

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 1727 del 21/06/2025

Manà fora su Trentino Tv l program l vegn endrezà dal Comun General de Fascia

“Pedies”: per en sabeda ai 21 de jugn vegn fora la puntata #491 del program ladin per la televizion

[Ladino] Ence chesta setemèna l é a la leta l nef apuntament de “Pedies”, rotocalch ladin de informazion, ruà a la puntata n. 491. I argomenc de chesta setemèna.

Via per de mé la sozietà del Hockey Club Fassa la se à binà per renovèr la encèries del diretif. Desche President l é stat lità Gaetano Rasom che l rejarà la squadra apede a n Consei de aministrazion jà colaudà ajache l é restà ite desvalives membres da dant. Chest renovament l pel didèr a portèr neva gaissa te duta la Val per i pascioné de chest sport.

“Birrette e Ciacoles”: n event fora de anter endrezà da n grop de joegn de Fascia sul stil de la “Libreria umana”. I “libres” porté dant l era apontin persones curioses che à volù contèr sie percors e sia realtà: da chi che se cruzia de agricoltura, o de n turism con più consaputa, enschin a chi che laora tel ciamp scientifich. Stories desvalives, ma leèdes anter de eles dal gust e la pascion di protagonis. “Birrette e ciacoles” l fèsc pèrt del projet “Lédec”, n acronim gustegol che fossa “l é dut n craut”, na scomenzadiva che se met dant de valorisèr realtèdes pech cognosciudes te Val.

N nef apuntament de la rubrica “Lesc: cuchèr te ogne piz e cianton”. Chesta outa sion jic a cognoscer una de la viles de Vich. Te na piana a soladif a 1500 metres, anter l bosch e l ciel, l é Tamion. N lech olache somea che l temp no passe, olache vigni cianton conta de sia storia; n lech chiet, mingol sconet, n melaur de storia e tradizions.

I report de chesta setemèna, enjigné da Riccardo Zanoner, Sabrina Riz e Angela Pederiva i vegn porté dant co la ouisc de Sabrina Riz.

Metù a jir col sostegn del Comun General de Fascia, de la Provinzia autonoma de Trent e de la Region autonoma Trentin – Südtirol, “Pedies” l va fora su Trentino Tv – canal 10 Prov. de TN- vigni sabeda da les 18.00 (sie da sera), de domenia da les 13.30 (mesa la does domesdì) e de lunesc da les 11.30 (mesa les doudesc).

L program ades l va fora ence sun AltoAdige TV – canal 11 de BZ - vigni domenia da les 18.00 (sie da sera).

Se pel veder duta la puntates ence sul canal YouTube de TV Ladina sot chest link:

<https://www.youtube.com/@TvLadina>

opuramenter se pel veder i servijes un a un su la piata Facebook de TV Ladina

<https://www.facebook.com/TelevizionLadina>

Traduzion di Servijes Linguistics e Culturèi del Comun general de Fascia

(cdt)